



## АКТУАР МОЛИЯ ВА БУХГАЛТЕРИЯ ҲИСОБИ ИЛМИЙ ЖУРНАЛИ

**Vol. 4 Issue 01 | pp. 311-321 | ISSN: 2181-1865**  
**Available online <https://finance.tsue.uz/index.php/afa>**

### ТҮҚИМАЧИЛИК ВА ТИКУВ ТРИКОТАЖ КОРХОНАЛАРИДА ХАРАЖАТЛАР ҲИСОБИ ВА АУДИТИНИ ТАКОМИЛЛАШТИРИШ



**Махмудов Азамат Нормурадович**

Тошкент давлат иқтисодиёт университети  
иқтисодиёт фанлари доктори, доцент  
azamat\_mahmudov 69@mail.ru

**Аннотация:** Мазкур мақола түқимачилик ва тикув-трикотаж корхоналарида харажатлар ҳисоби ва аудитини такомиллаштириш, харажатларни гурухлаш ва қайта гурухлаштиришни такомиллаштириш, шунингдек уларни маҳсулот (ишлар, хизматлар) таннархига киритиш ҳамда бухгалтерия ҳисобини юритиш методологиясини такомиллаштириш масалаларига бағишлиланган.

**Калит сўзлар:** мақсадли харажатлар, мақсадли таннарх, бухгалтерия ҳисоби ва ҳисоблаш жараёни, ишлаб чиқариш харажатлари, давр мобайнида тан олинган таннарх, вақтнинг муаян нуқтасида тан олинган таннарх, таннархга тузатиш киритиш.

### IMPROVEMENT OF COST ACCOUNTING AND AUDIT IN TEXTILE AND SEWING KNITTING ENTERPRISES

**Azamat Normuradovich Mahmudov**

Tashkent State University of Economics

**Annotation:** This article is devoted to the issues of improving cost accounting and auditing in textile and sewing-knitting enterprises, improving the grouping and regrouping of costs, including them in the cost of products (works, services), and improving the accounting methodology.

**Key words:** target costs, target cost, accounting and calculation process, production costs, cost recognized during the period, cost recognized at a certain point in time, adjustment to cost.

**1. Кириш.** Дунёning тарақкий эттан давлатлари ишлаб чиқаришни инновацион ривожлантириш ва диверсификациялаш асосида миллий иқтисодиётнинг барқарорлигини таъминлаш, экспортбоп маҳсулотлар ишлаб чиқариш орқали жаҳон бозоридаги рақобатдошлигини кучайтиришга эришмоқдалар. 2021 йилда «жаҳон түқимачилик бозорининг ҳажми 993,6 миллиард АҚШ долларига баҳоланди, 2022 – 2030 йиллар оралиғида йиллик ўсиш суръати 4,0 фоиз»<sup>1</sup> бўлиши кўтилмоқда.[9].

<sup>1</sup> <https://www.grandviewresearch.com/industry-analysis/textile-market>

Ҳозирги кунда дунё миқёсида енгил саноат корхоналарида ишлаб чиқариш харажатларини ҳисобга олиш, маҳсулот таннархини аниқлаш ва хорижий инвестицияларни жалб этиш жараёнида бухгалтерия ҳисоби ва аудитни халқаро стандартларга мос равишда ташкил этиш устувор вазифа сифатида белгилаб олинди.

2022–2026 йилларга мўлжалланган Янги Ўзбекистоннинг тараққиёт стратегиясига мувофиқ иқтисодиётимиз ривожланишининг муҳим тармоқларидан бири ҳисобланган енгил саноат корхоналарига йўналтирилаётган хорижий инвестицияларнинг самарадорлигини ошириш ҳамда замонавий техника ва технологиялардан фойдаланиш асосида тўқимачилик саноати маҳсулотлари ишлаб чиқариш ҳажмини 2 баравар ва чарм-пойабзал маҳсулотлари ишлаб чиқаришни 3 бараварга кўпайтириш вазифаси белгиланган<sup>2</sup>.[1].

Мазкур вазифалардан келиб чиқиб, республикамиз енгил саноат корхоналарини ривожлантиришнинг ишлаб чиқариш харажатларини пасайтириш, фойдани ошириш ва молиявий барқарорликка эришиш стратегияси танлаб олинган. Шу мақсадда енгил саноат корхоналари фаолиятини модернизациялаш ва маҳсулотлар ассортиментини диверсификациялаш мақсадлари учун ҳисоб ва аудит тизимини халқаро стандартлар асосида ташкил қилиш ва самарадорлигини оширишга алоҳида эътибор қаратилмоқда.

Мазкур вазифаларнинг ижросини таъминлаш мамлакатимиздаги енгил саноат, хусусан, тўқимачилик ва тикув-трикотаж корхоналарининг экспорт салоҳиятини оширишни тақозо этади. Енгил саноат корхоналарининг ишлаб чиқариш инфратузилмасини ривожлантириш ва инновацион технологияларни жорий этиш ҳисобига рақобатбардош маҳсулотларни кенг қўламда ишлаб чиқаришни илмий асосларини яратиш талаб этилмоқда. Шу жиҳатдан, хорижий тажрибалар асосида мамлакатимиздаги енгил саноат корхоналарида ишлаб чиқаришни диверсификациялашни бошқариш самарадорлигини оширишнинг ташкилий-иктисодий механизmlарини такомиллаштириш бугунги куннинг долзарб масалаларидан ҳисобланади.

Енгил саноат корхоналарида бухгалтерия ҳисобини халқаро молиявий ҳисбот стандартларига мувофиқ ислоҳ қилиш, тикув-трикотаж корхоналарининг молиявий-хўжалик фаолиятини ҳисобга олиш учун янги тармоқ ҳисоблар режасини ишлаб чиқиши, унинг замонавий тамойилларига тўғри келмайдиган услубий қарорларни тизимнинг бухгалтерия ҳисобидан чиқариб ташлаш долзарб масалалардан бўлиб қолмоқда.

Тармоқ корхоналарининг рақобатбардошлигини янада ошириш мақсадида пахта хом ашёсини етиштиришдан тортиб унга дастлабки ишлов бериш, маҳсулотларни тўқимачилик ва тикув-трикотаж корхоналарида қайта ишлаш ҳамда юқори қўшилган қийматга эга бўлган трикотаж маҳсулотларини ишлаб чиқариш жараёнларини уйғунлаштирувчи кластер моделини амалиётда қўллаш, ишлаб чиқариш жараёнига янги инновацион технологиялар, ноу-хау ва ишланмаларини

<sup>2</sup> Ўзбекистон Республикаси Президентининг 2022 йил 28 январдаги “2022 – 2026 йилларга мўлжалланган Янги Ўзбекистоннинг тараққиёт стратегияси тўғрисида”ги ПФ-60-сон Фармони. <https://lex.uz/docs/5841063>

жорий этиш орқали юқори сифатли ва рақобатбардош маҳсулотларни ишлаб чиқариш ва экспорти ҳажмини ошириш, шунингдек, миллий маҳсулотлар брендларини жаҳон савдо бозорларида кенг тарғиб қилиш каби мақсадларга инвестицияларни йўналтириш долзарб ҳисобланади. 2025 йилга бориб тўқимачилик маҳсулотлари экспорти ҳажмини 7 миллиард АҚШ долларига етказиш каби вазифалар белгиланган<sup>3</sup>.[2].

**2. Адабиётлар шарҳи.** Рақамли иқтисодиёт шароитида енгил саноат тармоқлари фақат хом-ашё тайёрловчи бўлиб эмас, балки саноат асосида тайёр маҳсулотни сотишда бевосита кластерлардан кенг фойдаланишни йўлга қўймоқда. Тикув-трикотаж корхоналари тизимида кластерларни ташкил қилиш ишлари ҳозирги кунда дастлабки босқичида бўлиб, тажриба-синов шаклида ташкил этилмоқда. Корхоналарда даромадлар ва харажатлар ҳисоби ҳамда аудити методологиясини такомиллаштириш билан боғлиқ муаммоларни баъзи назарий, ташкилий ва методологик жиҳатлари мамлакатимиз олимлари ва хорижий олимлар томонидан айрим жиҳатлари ёритилган. Аммо уларнинг илмий тадқиқотларида тўқимачилик ишлаб чиқариш технологияларига боғлиқ ҳолда харажатлар ҳисоби, уларни харажат объектлари ҳамда калькуляция объектлари ўртасида тақсимлаш масалалари чуқур ва ўзига хос хусусиятлари кўриб чиқилмаган.

Хорижий олимлар Драгишивич ва Обадик фикрича<sup>4</sup>, кластерларнинг ижобий таъсири қўйидаги кўрсаткичлар ёрдамида ўлчанади: ишлаб чиқариш ҳажми, харажатлар, сотиш ҳажми, яратилган иш ўринлари сони, иш ҳақи, ҳосилдорлик, нархлар, қўшимча қиймат, корхоналар сони, инновациялар ва бошқалар. Кластерлаш самарадорликнинг ўсишига таъсир кўрсатди. Замонавий рақобатбардошлик иш ҳақи ёки корхоналар ҳажмидан фойдаланиш имкониятига эмас, балки маҳсулдорликка боғлиқ. Кластерларнинг характеристикаси рақобатчиларга нисбатан устунликни сақлаб қолиш учун доимо такомиллашиб боради ва янгиланади. Кластер ҳар бир аъзонинг бошқалар билан боғланган бизнес ва бошқа фаолият доирасини кенгайтириш учун фойдали бўлишига имкон беради, чунки ҳар бир иштирокчи ўзининг мослашувчанилигидан воз кечади.

Шу сабабли, маълум тармоқларда, минтақаларда ёки мамлакатларда кластерни ривожлантириш қўп аҳамиятга эга. Дарҳақиқат, кластерлар нафақат саноат ёки минтақада рақобатбардошликни оширишга, балки иш билан бандликни таъминлайди ва кластер иштирокчиларининг ўзаро ишончини оширади.

Америка олимлари – М.Портер –«Рақобат устунлиги назарияси», -М.Энрайт, С.Резенфельд, П.Маскелл ва М.Лоренсенлар «Минтақавий кластерлар концепцияси», А.Маршалл «Саноат ҳудудлари назарияси», П.Бекатин «Италъян саноат округлари назариялари», М.Сторпер «Идеал ҳудудий кластер» назарияларини яратган. Қўшимча қиймат ва кластерлар занжири уйғулиги, минтақаларни ўқитиши концепциялари ҳам шу гуруҳдан ўрин олган.

<sup>3</sup> Ўзбекистон Республикаси Президентининг 2019 йил 12 февралдаги ПҚ-4186-сон “Тўқимачилик ва тикув-трикотаж саноатини ислоҳ қилишни янада чуқурлаштириш ва унинг экспорт салоҳиятини кенгайтириш чора-тадбирлари тўғрисида” қарори

<sup>4</sup> Dragivishes M., Obadik A. (2013). Кластери и политике развожа кластера [Clusters and cluster development policy]. Zagreb: Faculty of Economics University of Zagreb.

Айнан шу олимлар назарияларида кластерлар - ишлаб чиқарувчилар рақобат устунлигини оширишда юқори самарали бўлиб, уларнинг худуддаги таълим, фан, технологик, иқтисодий ва бошқа хизмат қўрсатувчи субъектлар фаолияти билан уйғуналашган тизими эканлиги таъкидланади.

Кластерлар назарияси МДҲ олимлари Ю.С.Артамонова, Б.Б.Хурусталиев ва бошқалар томонидан ҳам ўрганилиб, амалиётта татбиқ этиш бўйича лойиҳалар ишлаб чиқилмоқда. Юқоридаги назарияларни яратилиши ва уларнинг амалий аҳамияти мамлакатлар, тармоқлар ва корхоналар иқтисодиёти рақобатдошлигини ошириш ва юқори самарадорликка эришишни назарда тутади.

Республикамиз олимларидан эса М.Раҳматов, Б.Зарипов, Ч.Муродов, Ш.Ҳасанов, М.Муродова ҳамда бир қатор олимлар илмий изланишлар олиб боришган. Кластер сўзининг луғавий маъносига этибор қаратадиган бўлсак, «Кластер» атамаси французча сўз бўлиб, ўзбекча таржимаси «боғлам», «туруҳ», «тўпланиш» маъноларини беради.

А.Авлакуловнинг таъкидлашича “Ахборотларнинг шаффоғлиги иқтисодий категорияларнинг тўғри қўлланилишига боғлиқ. “Чиқим”, “сарф” ва “харажат” категорияларини чуқур таҳдил қилиш бухгалтерия ҳисобида муҳим масалалардан биридири. Чунки ушбу категориялар хўжалик юритувчи субъектлар фаолиятининг асосий қўрсаткичларидан бири бўлган маҳсулот таннархининг тўғри шаклланишида муҳим аҳамият қасб этади” деб таъкидлаган. [6]. Масалан Д.Азларовнинг фикрича “тармоқда умумишлиб чиқариш харажатлари ҳар бир маҳсулотнинг турига асосий ишлаб чиқаришдаги ишчиларнинг меҳнат хақига нисбатан мутоносиб тақсимланмоқда. Бу эса қўл меҳнати юқори бўлган корхоналарда таннархнинг ошиб кетишига сабаб бўлмоқда” деган фикрни билдирган.[7]. Маслан М.Обидовнинг фикрича “кластерларда харажатларни таснифлаш ва ҳисобини юритишида уларни вужудга келиши ва иқтисодий мазмунига мослигини таъминлаш, кластер тизимидағи корхоналарнинг харажатлари тўғрисида тўлиқ ва ишончли ахборотларни шакллантириш, маҳсулот таннархини тўғри аниқлаш.” керак деган фикрни билдирган.[8].

Биз юқоридаги фикрларга қўшилган ҳолда харажатларни мақсадли харажатларга ажратиб олиш ва мақсадли таннархни белгилаш орқали маҳсулот таннархини камайтиришнинг замонавий усули бўлган гоал-костинг усулини амалиётта тадбиқ этишни таклиф қиласиз. Шу нуқтаи назардан кластер тизимида бухгалтерия ҳисобининг ўзига хослиги улар фаолиятда қилинаётган харажатлар ҳисоби билан боғлиқ масалаларни жиҳдий муҳокама қилишни талаб этади.

**3. Тадқиқот методологияси.** Мазкур мақолада илмий билишнинг анализ ва синтез, тизимли ёндошув, статистик ва молиявий таҳлилнинг солиштириш, туркумлаш, гурухлаш, мутлоқ ва нисбий миқдор усулларидан фойдаланилган.

**4. Таҳлил ва натижалар.** Тўқимачилик ва тикув-трикотаж саноатида амалга оширилаётган ислоҳотлар тармоқни жадал ривожлантириш ва диверсификация қилиш учун қуладай шарт-шароитлар яратиш, тўқимачилиқда ярим тайёр маҳсулотларни чуқур қайта ишлашга йўналтириладиган инвестициялар, тайёр маҳсулотлар экспорти ҳажмини ошириш, уларни қўллаб-қувватлаш мақсадида кўплаб амалий ишлар олиб борилмоқда. “Ўзтўқимачиликсаноати” уюшмаси

тизимидағи корхоналар кейинги ўн йиллик яъни, 2020-2030 йиллардаги режалаштирилган ислоҳотларга назар соладиган, тўқимачилик ва тикув-трикотаж корхоналари ҳам республикамиз иқтисодиётини янада ривожлантиришга ҳисса қўшишини қўришимиз мумкин (1-жадвал) Жадвал маълумотларидан қўришимиз мумкинки, навбатдаги 10 йилликда енгилсаноат тизимининг қўшилган қийматнинг йиллик ўсишидаги улуши 5 фоизга оширилиши, тўқимачилик ва трикотаж маҳсулотларининг ӯсишида сал кам 9 баробарга ошиши, енгилсаноат тизимида кичик ишлаб чиқарувчилар сонининг 30 фоизга ўсиши бевосита иқтисодиётнинг ҳам шунга мос равища ўсишига олиб келади.

**1-жадвал**

**“Ўзтўқимачиликсаноати” уюшмаси тизимидағи айрим иқтисодий  
кўрсаткичларнинг 2020-2030 йилларда ўзгариши<sup>5</sup>**

T/р	Кўрсаткичлар номи	Асос (2020 й.)	Йиллар бўйича мақсад		
			2021	2025	2030
1.	Енгилсаноат тизимида қўшилган қийматнинг йиллик ўсиши (асосга нисбатан %да)	14 млрд АҚШ долл	3	5	5
2.	Енгилсаноат ва озиқ-овқат маҳсулотларининг экспорти ҳажмининг ошиши (млрд АҚШ долл)	2,3	3,5	10	20
3.	Тўқимачилик ва трикотаж саноати ишлаб чиқарилган маҳсулотларнинг экспортдаги улуши (%)	2	15	23	30
4.	Енгилсаноат ва озиқ-овқат бизнесига жалб этилган инвестицияларнинг умумий ҳажмининг ўсиши(асосга нисбатан %да)	650 млн АҚШ долл	20	40	80
5.	Тўқимачилик ва трикотаж саноати корхоналарининг халқаро сифат менеджменти тизимини жорий этган корхоналари сони ошиши (%)	2	5	10	20
6.	Енгилсаноат тизимида кичик ишлаб чиқарувчилар (микрофирмалар) умумий сонининг ўсиши (асосга нисбатан %да)	129 221	10	20	30

“Ўзтўқимачиликсаноати” тизимидағи корхоналар фақат хом-ашё тайёрловчи эмас, тўқимачилик ва трикотаж маҳсулотларини ишлаб чиқариш, қайта ишлаш ва тайёр маҳсулотни реализация қилишида бевосита кластерлардан фойдаланиш режалаштирилган.

<sup>5</sup> O'zbekiston Respublikasi Prezidentining 2019 yil 23 oktyabrdagi PF-5853-sonli Farmoni asosida muallif tomonidan tuzilgan.

Мазкур ишлар ҳозирги кунда бошланиш босқичида дейиш мумкин. Яъни, енгил саноат тизимида аллақачон кластерлар шаклланиши йўлга қўйилган. Ўрганишларимиз шуни қўрсатдики, енгилсаноат тизимида кластерларнинг жорий қилиниши, тўқимачилик корхоналарининг тутатилиши баробарида кўп йиллар давомида соҳада фаолият юритиб келган тадбиркорлар томонидан эътиrozлар пайдо бўла бошлаган. Бироқ, мана шундай ҳолатни инобатга олган ҳолда тизимда корхоналар тўлиқ тутатилган ҳолда ташкил этилган кластерлар айнан самарадорлиги паст ташкилотлар негизида ташкил этилмоқда. Яъни, бугунги кунда мамлакатимизда кластерларнинг фақат бир туридан фойдаланилмасдан, айрим ҳудудлар ва корхоналар кластерлар билан ўзаро ҳамкорлик шартномаси асосида ишлаб, маҳсулотни етиштириб бермоқдалар, Кейинги йилларда мамлакатимизда ҳалқаро амалиётда синалган ва иқтисодиётни ривожлантиришда муҳим аҳамият касб этувчи бозор муносабатларини ва тажрибаларини ҳаётга татбиқ этишга катта эътибор қаратилмоқда.

Шулардан бири кластерлар тизими бўлиб, ҳозирда иқтисодиётимизнинг пахтачилик, тўқимачилик ва енгил саноат соҳасида ушбу тизим фаолиятини йўлга қўйиш масалалари устувор бўлиб турибди.

Тўқимачилик ва тикув-трикотаж соҳасида кластерлар фаолиятини йўлга қўйиш учун бизнес-режасини тўғри шакллантириш ва унда кластернинг барча харажатларини ўзида акс эттириш, мазкур технология ва пахта хом ашёсини қайта ишлаш технологиялари учун сарфланадиган харажатларни бошқариш, маҳсулотлар таннархини пасайтириш чора тадбирларини ишлаб чиқиш муҳим вазифалар ҳисобланади.

Кластернинг бизнес режасида пахта хом ашёси етиштиришдан бошлаб, уни тайёр маҳсулот сифатида сотишгача бўлган ишлаб чиқариш жараёнининг узлуксиз занжирини, шу жараёнларга сарфланадиган харажатларнинг ҳисоби ва унинг назоратини ташкил қилиш;

Иккинчидан, пахта хом ашёсини қайта ишлаш ва ярим тайёр маҳсулотлардан саноат маҳсулотларини ишлаб чиқиш технологияси бўйича сарфланадиган харажатларни жараёнлар кесимида бошқариш ва унинг ҳисобини тўғри сарфланишини назорат, маҳсулотлар таннархини пасайтириш чора-тадбирларини ишлаб чиқиш;

Учинчидан, инвестиция лойиҳалари ва янги ишлаб чиқариш қувватларини ишга тушириш учун молиялаштириш манбаларини аниқлаш ва сарфланадиган харажатларни прогноз қўрсаткичлари билан хақиқий сарфланишини ҳисобга олиб бориш долзарб масалалардан ҳисобланади.

2021-2025 йилларга мўлжалланган инвестиция лойиҳалари бўйича - ҳар бир янги тикувчилик-тўқимачилик корхоналари машхур ҳалқаро брендлар маҳсулотларини реализация қилиши ва камида 1000 та иш ўрнини ташкил этиши лозимлиги белгилаб берилди.

Енгил саноат тизимидағи корхоналарнинг асосий фаолияти жуда кенг турдаги сотилаётган маҳсулот (иш, хизмат)ларни характерлайди, бу харажатларнинг таркиби ва ҳажмита таъсир қўрсатади. Уларни маҳсулот бирлигига пасайиши, илмий асосланган режалаштириш асосида моддий ва меҳнат ресурсларини тўғри

ишлатиш, харажатларни хисоби, таҳлили ва бошкаруви самарадорлигини оширишининг асосий шартларидан бири хисобланади.

Тўқимачилик ва тикув-трикотаж корхоналари тизимида асосий харажатларнинг кўпчилик қисмини моддий харажатлар ташкил қиласди. Тармоқда хом ашёни чуқур қайта ишлаш асосида бозор талабларидан келиб чиқсан ҳолда юқори қўшилган қийматга эга тўқимачилик ва тикув-трикотаж маҳсулотлари ишлаб чиқариш ва экспорт қилишнинг 2020-2025 йилларга мўлжалланган мақсадли параметрларининг прогнози ишлаб чиқилди. Бу ўз навбатида тармоқ корхоналарининг келгусидаги стратегик истиқболларини белгилаб олиши учун муҳим иқтисодий кўрсаткичлар манбаи хисобланади.

## 2-жадвал

### Тўқимачилик ва тикув-трикотаж маҳсулотлари ишлаб чиқариш ҳажми бўйича мақсадли параметрларининг прогнози<sup>6</sup>

T/р	Маҳсулот номи	Ўлчов бирлиги	Ўтган даврлар			Кутилаётган холат	Прогноз			2025 йилга ўсиш
			2019	2020	2021		2023	2024	2025	
I.	Тўқимачилик ва тикув-трикотаж маҳсулотлари ишлаб чиқариш ҳажми	млн долл.	4325,5	5861,6	8058,2	11319,3	12514,1	13764,6	15028,5	3,5 марта
1.	Ил-калава, шундан бўлалан ва аралаш	минг тн	623,7	770,3	921,4	930,2	974,3	990,3	1 032,5	2,7 марта
			182,5	223,6	248,5	276,0	413,0	463,8	470,5	2,6 марта
2.	Тайёр ил-газлама, жами: ... техник, маҳсус ил-газламалар)	млн кв. м.	471,0	963,4	1 061,9	1 237,9	1 253,4	1 364,2	1 425,9	3 марта
			130,3	223,6	248,5	276	413,6	463,8	470,5	3,6 марта
3.	Тайёр трикотаж мато	минг тн	174,8	227,5	350,0	406,8	520,0	540,0	546	3,1 марта
4.	Тикув-трикотаж маҳсулотлари	млн дона	790	1070,6	1680	2850	2248,3	3080,0	3205,3	4,1 марта
5.	Тўқимачилик галантерияси	млрд сўм	72	106,5	156,8	191,6	221,3	278,1	360,5	5 марта
6.	Гайлок маҳсулотлари	млн жўфт	260,8	312,4	325,9	409,3	415,1	421,8	427	1,6 марта
II.	Тўқимачилик ва тикув-трикотаж маҳсулотлари экспорти ҳажми	млн долл.	2156,4	2703,3	3130	3908,3	4760,00	5731,9	7075,00	3,3 марта

Ҳозирги пайтда амалиётда кенг қўлланилаётган «E-views», «Stata» ва «Excel» дастурлари имкониятларидан фойдаланиб, эконометрик моделлаштириш ёрдамида узоқ муддатли прогнозлар ишлаб чиқиш ва амалиётга жорий этиш мумкинлиги илмий жиҳатдан асосланди.

Бизнинг фикримизча, таннархни аниқлашда енгил саноат тизими соҳасида «Таннарх» синтетик счетининг таркибида «Вақтнинг муайян нуқтасида тан олинадиган таннарх», «Давр мобайнида тан олинадиган таннарх», «Таннархга тузатиш киритиш» номли субсчетларни очиш орқали таннархни янгича гурухлаштириш ҳамда маҳсулот ва хизматлар таннархини хисоблашнинг Гоал-костинг (Goal costing) усулини қўллаш мақсадга мувофиқ бўлади.

Гоал-костинг (Goal costing) – бу маҳсулот (иш, хизмат)лар таннархини хисоблаш усули бўлиб, у маҳсулотнинг бозор баҳоси билан ялпи фойда ўртасидаги фарқ сифатида, мақсадли таннархни аниқлашга асосланган. Мазкур усул «Таргет-костинг» ва «Кайзен-костинг» усулларининг комбинациясидан ташкил топади. Зоро, агар «Таргет-костинг» илмий-тадқиқот, тажриба-конструкторлик ишларига қилинадиган инновацион харажатларни ўзида мужассам этса, «Кайзен-костинг» усули харажатларни босқичма-босқич камайтириб боришга мўлжалланган бўлиб, у бюджет(смета) ва мақсадли таннарх ўртасидаги фарқни қисқартиришни назарда тутади.

«Таннарх» атамасига таъриф берган ҳолда таннарх хисобининг бош масалалари ва унинг фаолият доирасига аниқлик киритилган. «Калькуляция» атамасининг ўрнига

<sup>6</sup> «Ўзтўқимачиликсаноат» уюшмаси молиявий ва статистик хисобот маълумотлари асосида муаллиф хисоб-китоби.

«костинг» тушунчасини киритишни асосладик. Ушбу ишланманинг амалиётта жорий этилиши корхоналарда таннарх ҳисобини тўғри ташкил этишда муҳим аҳамият касб этади.

Халқаро ACCA эксперти Кен Гарреттнинг фикрича, агар бизнес бир нечта бўлимларга ёки бўлинмаларга бўлинниб кетган бўлса, таннархга асосланган ички хўжалик баҳолари яъни трансферт баҳолар муқаррар равишда зарурдир. Одатда, товарлар ёки хизматлар бўлинмалар ўртасида ҳаракатланади ва уларнинг ҳар бири ўз фаолияти тўғрисида алоҳида ҳисобот беради. Бухгалтерия ҳисоби тизими одатда, бўлинмалар ўртасида ҳаракатланадиган товарлар ёки хизматларни қайд қиласди. Бунинг учун бирон бир тул кўринишидаги қиймат ўлчовидан фойдаланиш зарурати тугилади. Ушбу тул қиймати трансферт баҳоси ҳисобланади<sup>7</sup>.[5] Таклифимизча, юқоридаги халқаро тажрибага асосланиб, ҳар бир бизнес бўлинманинг таннархини шакллантиришида, унга ўртacha 20 фоиздан фойда нормаси ўрнатилса, маҳсулот ишлаб чиқарувчиларнинг ўз фаолиятлари натижасидан моддий манбаатдорлиги ҳамда бошқарувнинг шаффоғлиги кучайган бўларди.

Амалдаги “Маҳсулот (ишлар, хизматлар)ни ишлаб чиқариш ва сотиш харажатлари таркиби ҳамда молиявий натижаларни шакллантириш тартиби тўғрисидаги низомни тасдиқлаш ҳақида”ги қарорга асосан бухгалтерия ва солиқлар ҳисоби ахборотлари бир-бирига мос бўлиши зарур. Бироқ, бундай мутаносибликнинг мавжуд эмаслиги харажатларнинг солиқ солинадиган базага қайта қўшилишини талаб қилмоқда. Шу боисдан, амалиётда туталланмаган ишлаб чиқариш қолдигини ҳисоблаш, баҳолаш, хужжатлаштириш ва счетлар режасига мазкур ўзгаришларни киритиш мақсадга мувофиқ, деб ҳисоблаймиз.

Шу муносабат билан туталланмаган ишлаб чиқариш қолдигини баҳолаш учун Ўзбекистон Республикаси Молия Вазирлиги томонидан тавсия қилинган Намунавий счетлар режасига янги субсчетлар киритиш, ўларнинг ўзаро алоқаси бўйича бухгалтерия ёзувлари таклиф этилган. Хусусан-Намунавий счетлар режасидаги 2020 - «Туталланмаган ишлаб чиқариш счетини» – шу счетлар режасининг 7- бўлимига кўчириш мақсадга мувофиқлиги асосланган.

7010 - «Вақтнинг муаян нуқтасида тан олинган таннарх»,

7020 - «Давр мобайнида тан олинган таннарх»,

7030 - «Таннархга тузатиш киритиш» субсчетларида акс эттириладиган харажатлар туркумланган.

Бунда вақтинчалик харажатларга яъни асбоб-ускуналар инвестиция қилинса улар уч йилда ишга тушади ва бу харажатлар корхонанинг эксплуатация харажартларига олиб борилади. Бундан ташқари Намунавий счетлар режаси 5 та қисм, 9 та бўлимдан иборат бўлиб ,унинг учта бўлимида резерв счетлари мавжуд. Намунавий счетлар режасида актив, пассив контр-актив, контр-пассив ва транзит счёtlар киритилган. Биз қуидаги жадвалда бухгалтерия ҳисобининг халқаро стандартларига мувофиқ харажат счетларининг фаолият турлари кесимида

<sup>7</sup> Ken Garrett is a freelance writer and lecturer. Transfer prices are almost inevitably needed whenever a business is divided into more than one department or division. <https://www.accaglobal.com/sg/en/student/exam-support-resources/fundamentals-exams-study-resources/f5/technical-articles/transfer-pricing>

туркумланиши бўйича таклиф этилаётган янги счетлар режасини келтиридик.(3-жадвал).

**Бухгалтерия ҳисобининг халқаро стандартларига мувофиқ харажат счетларининг фаолият турлари кесимида туркумланиши бўйича  
таклиф<sup>8</sup>**

7-бўлим. “Харажатлар”	
<b>7000</b>	<b>Таннарх</b>
7010	Вақтнинг муайян нуқтасида тан олинадиган таннарх
7020	Давр мобайнида тан олинадиган таннарх
7030	Таннархга тузатиш киритиш (камайишга)
<b>7100</b>	<b>Операцион фаолият бўйича харажатлар</b>
7110	Сотиш харажатлар
7120	Маъмурӣ харажатлар
7130	Курс фарқларидан харажатлар
7140	Бошқа харажатлар
<b>7200</b>	<b>Бошқа операциялар бўйича заарлар</b>
7210	Активларни ҳисобдан чиқарилшидан зарар
7220	Молиявий активлар бўйича қадризланишдан зарар
7230	
7240	Активларнинг ҳаққоний қиймати ўзгаришидан зарар
<b>7300</b>	<b>Молиявий фаолият бўйича харажатлар</b>
7310	Фоизлар ва бошқа мукофотлар бўйича харажатлар
7320	Молиявий пижара бўйича фоизларни тӯлашга харажатлар
7330	Молиявий фаолият бўйича бошқа харажатлар
7340	Молиявий инструментларнинг ҳаққоний қиймати ўзгаришидан зарар
<b>7400</b>	<b>Тугатилган фаолият билан боғлиқ зарар</b>
7410	Тугатилган фаолият билан боғлиқ зарар
<b>7500</b>	<b>Улушли қатнашиш усули бўйича ҳисобга олинадиган ташкилотларнинг зараридаги улуш</b>
7510	Улушли қатнашиш усули бўйича ҳисобга олинадиган ташкилотларнинг зараридаги улуш
<b>7600</b>	<b>Фойда солиги бўйича харажатлар</b>
7610	Фойда солиги бўйича харажатлар
7620	Фойдадан ҳисобланадиган бошқа солиқлар бўйича харажатлар

Амалдаги бухгалтерия ҳисоби счетлар режасида «Харажатлар» номли бўлимнинг таркибида киритиладиган калькуляцион ҳамда контрактив счетларни БҲҲСга адаптация қилиш бўйича тавсиялар асослантирилди. Харажатлар бошқаруви ҳисобини юритиш, таннархни ҳисоблаш, молиявий натижалар аудитини тармоқ ҳусусиятини инобатга олган ҳолда харажатларни ҳисоб юритиш амалиётида молиявий ҳисоб, бошқарув ҳисоби ва солиқ ҳисобига оид харажатларга бўлиш лозимлиги ва уларнинг тавсифи «Ўзбектўқимачиликсаноат» уюшмаси тизимида қарашли корхоналар фаолиятига жорий қилинган. Натижада харажатларни гуруҳларга бўлиб ҳисобини юритиш орқали харажатлар ҳисоби ва аудитини амалга ошириш самарадорлиги ошишига, ахборотларнинг аниқлиги таъминланишига олиб келган.

<sup>8</sup> Ўзбекистон Республикаси Молия вазирлиги маълумотлари асосида муаллиф ишланмаси

**Хулоса ва таклифлар.** Ушбу мақоладаги илмий тадқиқотлардан ҳам кўриниб тўрибидики бугунги кунда тўқимачилик ва тикув - трикотаж саноатини иқтисодиётимиз драйверига айлантириш учун соҳага катта эътибор берилмоқда. Айнан тармоқ тизимиға кластерларни жалб қилиш асосида маҳсулот ҳажмининг ошишига олиб келади.

Бизнинг фикримизча бу тизимнинг ўзига хос афзалликлари мавжуд:

**Биринчидан** - харажатларни етарли даражада минималлаштириш ва уларни тўғри тақсимлаш имконини беради. Уларни ҳисобга олишда бухгалтерия ҳисобининг таклиф этилаётган янги счётлар режасини қуллаш орқали БҲМС ни ҳалқаро стандартларга трансформация қилиш имконияти яратилади.

**Иккинчидан** – Таннарх ҳисобини амалга оширишда, бошқарув қарорларини тўғри қабул қилишда ва соҳанинг ривожланиш истиқболларини белгилашда эконометрик моделлаштириш усулларидан фойдаланиб аниқлаш имконияти яратилади.

**Учинчидан** - харажатларни назорат қилиш ва бозор талабларига мос келувчи максадли таннархни олдиндан аниқлашга, шунингдек бозор талаби ва харидорларнинг мўлжалига қараб ишлаб чиқарилаётган маҳсулот муддатлари ва сифатини белгилаш имконини беради. Бу соҳага таннарх аниқлашнинг замонавий гоал костинг усулини қўллаш орқали маҳсулот таннархини 20 фойзга камайтириш имкониятлари очиб берилади.

**Тўртингчидан** - нархларни максималлаштириш, режалаштириш, маҳсулот ҳажмини сотиш ҳисобига, шунингдек ишлаб чиқарилган маҳсулот таннархини пасайтириш ҳисобига ташкилотларнинг молиявий натижаларини максималлаштиришни таъминлайди.

Хулоса ўрнида шуни айтиш жоизки, мамлакатимиз иқтисодиётини ривожлантириш энг муҳим масала бўлса, тўқимачилик ва тикув-трикотаж саноати корхоналарини ривожлантириш ва экспортбоб маҳсулотларни ишлаб чиқаришни янада ривожлантиришда хорижий тажрибаларни қўллаш ҳамда соҳага кластер тизимини жорий этиш ҳам муҳим ахамият касб этади.

### **Фойдаланилган адабиётлар рўйхати**

1. Ўзбекистон Республикаси Президентининг 2022 йил 28 январдаги “2022 - 2026 йилларга мўлжалланган Янги Ўзбекистоннинг тараққиёт стратегияси тўғрисида”ги ПФ-60-сон Фармони. <https://lex.uz/docs/5841063>.

2. Ўзбекистон Республикаси Президентининг 2019 йил 12 февралдаги ПҚ-4186-сон “Тўқимачилик ва тикув-трикотаж саноатини ислоҳ қилишни янада чукурлаштириш ва унинг экспорт салоҳиятини кенгайтириш чора-тадбирлари тўғрисида”ги қарори.

3. Ўзбекистон Республикаси Президентининг 2019 йил 23 октябрдаги ПФ-5853-сонли Фармони

4. Dragivishes M., Obadik A. (2013). Klasteri i politike razvoja klastera [Clusters and cluster development policy]. Zagreb: Faculty of Yeconomics University of Zagreb.

5. Ken Garrett is a freelance writer and lecturer. Transfer prices are almost inevitably needed whenever a business is divided into more than one department or

division <https://www.accaglobal.com/sg/yen/student/yexam-support-resources/fundamentals-yexams-study-resources/f5/technical-articles/transfer-ricing>

6. Авлоқулов А.З. “Молиявий натижалар ҳисоби ва аудити методологиясини тақомиллаштириш” мавзусидаги иқтисодиёт фанлари доктори (ДС) илмий даражасини олиш учун ёзган диссертацияси автореферати. Т.:2019 й.120 б.

7. Азларов Д.Х. “Нон маҳсулотлари ишлаб чиқариш харажатлари ҳисоби ва таҳдилини тақомиллаштириш” мавзусидаги иқтисодиёт фанлари номзоди илмий даражасини олиш учун ёзган диссертацияси автореферати. Т.: 2021й.62 б.

8. Обидов Р.Р. “Кластер тизимида харажатлар ҳисобини тақомиллаштириш” мавзусида иқтисодиёт фанлари бўйича фалсафа доктори илмий даражасини олиш учун ёзган диссертацияси автореферати. Т.: 2021й. 62 б.

9. <https://www.grandviewresearch.com/industry-analysis/textile-market>.

**Copyright:** © 2024 by the authors. This work is licensed under a Creative Commons Attribution- 4.0 International License (CC - BY 4.0)

